

唐  
音  
統  
籤

戎籤二李商隱之九

唐音親籤卷

五百七十一

五言絕句

自睨

陶令棄官後仰眠書屋中誰將五斗米擬換北窓風

天涯

春日在天涯天涯日又斜鶯啼如有淚爲濕最高花

早起

風露澹清晨簾間獨起人鳥啼花又笑

一作鶯啼又笑

畢竟是誰春

一作親

夜意

簾垂幕半捲枕冷被仍香如何爲相憶魂夢過瀟

湘

歌舞

過雲歌響清迴雪舞腰輕只要君流盼君傾國自  
傾

追代盧家人嘲堂內

道却橫波字人前莫謾羞只應同楚水長短入淮

流

淮懷也

代應

昨夜雙鉤敗今朝百草輪關西狂小史惟喝遶床  
廬

效席

樂府聞桃葉人前道得無勸君書小字慎莫喚官

奴

王獻之小字官奴  
妾桃葉樂府有歌

柳枝五首

并序

柳枝洛中里娘也父饒好賈風波死湖上其孀  
不念他兒子獨命柳枝生十七年塗緝締誓未  
嘗竟已復起去吹棄鸞葦調絲擘管作天海風  
濤之曲幽憶怨離之音居其旁與其家接故往  
來者剛十年尚相與疑其醉眠夢物斷不聘余  
從昆讓山比柳枝居爲近地日春曾陰讓山下

馬柳枝南柳下詠余燕臺詩柳枝驚問誰人有  
此誰人為是讓山謂曰此吾里中少年叔耳柳  
枝手斷長帶結讓山為贈叔乞詩明日余比馬  
出其巷柳枝了鬟畢粧抱立扇下風朝一袖指  
曰若叔是耶後三日鄰當去濺裙水上以博山  
香待與郎俱過余諾之會所友有借當詣京師  
者戲盜余臥裝以先不果留雪中讓山至且曰  
為東諸侯取去矣明年讓山復東相背於戲上  
因寓詩以墨  
其故處云

花房與蜜脾蜂雄蛟蝶雌同時不同類那復更相  
思

本是丁香樹春條結始生玉作彈碁局中心亦不  
平

嘉瓜引蔓長碧玉冰去聲寒漿東陵雖五色不忍值

牙香

柳枝井上蟠蓮葉浦中乾錦鱗與繡羽水陸有傷  
殘

畫屏繡步障物物自成雙如何湖上望只是見鴛  
鴦

登樂遊原

向晚意不適驅車登古原夕陽無限好只是近黃  
昏

悼傷後赴東蜀辟至散關遇雪

劍外從軍遠無家與寄衣散關三尺雪迴夢舊鶯

機

張惡子廟

下馬捧椒漿迎神白玉堂如何鐵如意獨自與姚  
蓑

餞席重送從叔余之梓州

莫歎萬里山君還我未還武關猶悵望何況百牢  
關

風

撥釵盤孔雀惱帶拂鴛鴦羅薦誰教近齋時鏤洞  
房

微雨

初隨林鶻動，稍共夜涼分。  
窓迥侵燈冷，庭虛近水聞。

細雨

帷飄白玉堂，簾卷碧牙牀。  
楚女當時意，蕭蕭髮彩涼。

涼

髮彩趙氏萬首絕句誤改爲髮影着彩字方是瑤姬着影字公然一婆矣

滯雨

滯雨長安夜，殘燈獨客愁。  
故鄉雲水地，歸夢不宜秋。

秋

聽鼓



城頭疊鼓聲城下暮江晴欲問漁陽慘時無欄正  
平

轍

嘗聞宓妃襪渡水欲生塵好借嫦娥着清秋踏月  
輪

房君珊瑚散

不見嫦娥影清秋守月輪月中閒杵臼桂子搗成  
塵

憶梅

定定住天涯依依向物華寒梅最堪恨長作去年

花

巴江柳

巴江可惜柳柳色綠侵江好向金鑾殿移陰入綺  
窓

柳下暗記

無柰巴南柳千條傍吹臺更將黃映白擬作杏花  
媒

嘲桃

無賴妖桃面平明露井東春風爲開了却擬笑春  
風

嘲櫻桃

朱實烏含盡青樓人未歸南園無限樹獨自葉如  
幃

百果嘲櫻桃

朱實雖先熟瓊萼縱早開流鶯猶故在乎得諱含  
來

櫻桃荅

衆果莫相諗天生名品高何因古樂府唯有鄭櫻  
桃

高花

花將人共笑籬外露繁枝  
宋玉臨江宅牆低不礙  
窺

蝶

孤蝶小徘徊翩翩粉翅開  
併應傷皎潔頻近雪中  
來

七言絕句一

端居

遠書歸夢兩悠悠只有空牀  
敵素秋堦下青苔與  
紅樹

一作葉

雨中寥落月中愁

有感

中路因循我所長  
古來才命兩相妨  
勸君莫強安  
蛇足一盞芳醪不得嘗

人欲

人欲天從竟不疑  
莫言圖蓋便無私  
秦中已久烏  
頭白却是君王未備知

釣天

上帝釣天會衆靈  
昔人因夢到青冥  
伶倫吹裂孤  
生竹却爲知音不得聽

明神

明神司過豈令寃  
暗室由來有禍門  
莫爲無人欺

一物他時須慮石能言

一片

一片瓊英價動天，連城十二昔虛傳。  
良工巧費真爲累，楮葉成來不值錢。

謁山

從來繫日乏長繩，水去雲迴恨不勝。  
欲就麻姑買滄海，一盃春露冷如冰。

海上

石橋東望海連天，徐福空來不得仙。  
直遣麻姑與搔背，可能留命待桑田。

卽日

小毘煎茶面曲池白鬚道士竹間茶何人書破蒲

葵扇記着南塘移樹時

姚寬云謝安執蒲葵扇價頓高王羲之書老姥六角

扇人競買之乃二事偶誤用

日日

日日春光鬪日光山城斜路杏花香幾時心緒渾無事得及遊絲百尺長

日射

日射紗窓風撼扉香羅拭手春事違迴廊四合掩寂寞碧鸚鵡對紅薔薇

昨夜

不辭鴝鳩妬年芳  
但惜流塵暗燭房  
昨夜西池涼  
露滿桂華吹斷月中香

夜半

三更三點萬家眠  
露欲爲霜月墮煙  
鬪鼠上牀蝙蝠  
出玉琴時動倚窓絃

夜冷

樹遶池寬月影多  
村砧塢笛隔風蘿  
西亭翠被餘香薄  
一夜將愁向敗荷

假日



素琴絃斷酒銷空倚坐歌眠日已中誰向劉伶天  
幕內更當陶令北窓風

正月十五夜聞京有燈恨不得觀

月色燈光滿帝都香車寶輦隘通衢身閒不覩中  
興盛羞逐鄉人賽紫姑

到秋

扇風浙瀝簟琉璃萬里南雲滯所思守到清秋還  
寂寞葉丹苔碧閉門時

月夕

草下陰蟲葉上霜朱欄迢遞壓湖光兔寒蟾冷桂

花白此夜姮娥應斷腸

七夕

鸞扇斜分鳳幄開  
星橋橫過鵲飛迴  
爭將世上無期別  
換得年年一度來

壬申閏秋題贈烏鵲

繞樹無依月正高  
鄴城新淚濺雲袍  
幾年始得逢秋閏  
兩度填河莫告勞

西亭

此夜西亭月正圓  
踈簾相伴宿風煙  
梧桐莫更翻清露  
孤鶴從來不得眠

池邊

玉管葭灰細細吹流鶯上下鷺參差日西千遶池  
邊樹憶把枯條撼雪時

復京

虜騎胡兵一戰摧萬靈迴首賀軒臺天教李令心

如日可要

一作侍

昭陵石馬來

蔡寬夫云但知推美西平不知於昭陵似

不當蜀詩家使事要識輕重

戲題友人壁

花逕透迤柳巷深小闌亭午轉春禽相如解作長  
門賦却用文君取酒金

過招國李家南園二首

潘岳無妻客爲愁  
新人來坐舊粧樓  
春風猶自疑  
聯句雪絮相和飛不休

長亭歲盡雪如波  
此去秦關路幾多  
唯有夢中相近  
分臥來無睡欲如何

宿駱氏亭寄懷崔雍崔袞

竹塢無塵水檻清  
相思迢遞隔重城  
秋陰不散霜  
飛晚留得枯荷聽雨聲

三月十日流盃亭

身屬中軍少

一作可

得歸木蘭花盡失春期  
偷隨柳

絮到城外行過水西聞子規

花下醉

尋芳不覺醉流霞倚樹沉眠日已斜  
客散酒醒夜深後更持紅燭賞殘花

席上作

一云予爲桂州從事故府鄭公出家妓令賦高唐詩

淡雲輕雨拂高唐玉殿秋來夜正長  
料得已應憐宋玉一生唯事楚襄王

一作淡雲輕雨拂高唐一曲清聲遠畫梁料得有心

隣宋玉只應無奈楚襄王

縣中惱飲席

晚醉題詩贈物華  
罷吟還醉忘歸家  
若無江氏五

色筆爭柰河陽一縣花

華州周大夫宴席

西鈴

郡齋何用酒如泉  
飲德先時已醉眠  
若共門人推禮分  
戴崇爭得及彭宣

病中早訪招國李十將軍  
遇挈家遊曲江

十頃平波溢岸清  
病來唯夢此中行  
相如未是真消渴  
猶放沔江過錦城

訪隱者不遇二絕

秋水悠悠浸野扉  
夢中來數覺來稀  
玄蟬去盡黃葉落  
一樹冬青人未歸

城郭休過識者稀  
哀猿啼處有柴扉  
滄江白石樵  
漁路日暮歸來雨滿衣

訪人不遇留別館

卿卿不惜瑣窓春  
去作長楸走馬身  
閒倚繡簾吹  
柳絮日高深院斷無人

同崔八詣藥山訪融禪師

共受征南不次恩  
報恩唯是有忘言  
巖花澗草西  
林路未見高僧且見猿

東還

自有仙才自不知  
十年長夢採華芝  
秋風動地黃

雲暮歸去嵩陽尋舊師

暮秋獨游曲江

荷葉生時春恨生  
荷葉枯時秋恨成  
深知身在情長在  
悵望江頭江水聲

灞岸

山東今歲點行頻  
幾處冤魂哭虜塵  
灞水橋邊倚華表  
平時二月有東巡

天津西望

虜馬崩騰忽一狂  
翠華無日到東方  
天津西望腸真斷  
滿眼秋波出苑牆



東下三旬苦於風土馬上戲作

路遶函關東復東身騎征馬逐驚蓬天池遼濶誰  
相待日日虛乘九萬風

初起

想像咸池日欲光五更鐘後更迴腸三年苦霧巴  
江水不爲離人照屋梁

荆山

壓河連華勢孱顏鳥沒雲歸一望間楊僕移關三  
百里可能全是爲荆山

江東

驚魚撥刺鷺翩翩  
獨自江東上釣船  
今日春光太漂蕩  
謝家輕絮沈郎錢

五松驛

獨下長亭念過秦  
五松不見見輿薪  
只應旣斬斯高後  
尋被樵人用斧斤

夕陽樓

自注在滎陽是所知今遂寧蕭侍郎收滎陽日作者

花明柳暗繞天愁  
上盡重城更上樓  
欲問孤鴻向何處  
不知身世自悠悠

岳陽樓

欲爲平生一散愁  
洞庭湖上岳陽樓  
可憐萬里堪

乘輿枉是蛟龍解覆舟

望喜驛別嘉陵江水二絕

嘉陵江水此東流望喜樓中憶閬州若到閬州還  
赴海閬州應更有高樓

千里嘉陵江水色含煙帶月碧於藍今朝相送東  
流後猶自驅車更向南

游靈伽寺

碧煙秋寺汎湖來水打城根古堞摧盡日傷心人  
不見石榴花滿舊琴臺

贈宇文中丞

欲構中天正急材自緣煙水戀平臺人間只有嵇  
延祖最望山公啓事來

自注公感歎亡友  
張君故有此句

代秘書贈弘文館諸校書

清切曹司近玉除此來秋興復何如崇文館裏丹  
霜後無限紅梨憶校書

留贈畏之

留贈共三首其  
一首前七律內

待得郎來月已低寒暄不道醉如泥五更又欲向  
何處騎馬出門鳥夜啼

戶外重陰黯不開含羞迎夜復臨臺瀟湘浪上有  
煙景安得好風吹汝來

贈孫綺新及第

長樂遙聽上苑鐘  
綵衣稱慶桂香濃  
陸機始擬誇文賦  
不覺雲間有士龍

謝書

微意何曾有一毫  
空携筆硯奉龍韜  
自蒙半夜傳衣後  
不羨王祥得佩刀

所居永樂縣久旱  
縣宰祈禱得雨因賦詩  
甘膏滴滴是精誠  
晝夜如絲一尺盈  
祇恠閭閻喧鼓吹  
邑人同報東長生

任弘農尉獻州刺史乞假歸京

黃昏封印點刑徒愧負荆山入座隅却羨卞和雙  
荆足一生無復沒階趨

評事翁寄賜餠粥走筆爲答

一作寒食詩

粥香腸白杏花天省對流鶯坐綺筵今日寄來春  
已老鳳樓迢遞憶鞦韆

初食笋呈座中

嫩箨香苞初出林五陵論價重如金皇都陸海應  
無數忍剪凌雲一寸心

贈庾十二朱版

自注時庾在翰  
林朱書版上

固添投膠不可開贈君珍重抵瓊瑰君王曉坐金

鑾殿只待相如草詔來

華師

孤鶴不睡雲無心衲衣筇杖來西林院門晝鎖迴  
廊靜秋日當階柿葉陰

憶住一師

無事經年別遠公帝城鐘曉憶西峰煙爐消盡寒  
燈晦童子開門雪滿松

戲題贈稷山驛吏王全

自注全爲驛吏五十六年人稱有道術往

來多贈  
詩章

絳臺驛吏老風塵耽酒成仙幾十春過客不勞詢

甲子惟書亥字與時人

同學彭道士叅寥

莫羨仙家有上真  
仙家暫謫亦千春  
月中桂樹高多少  
試問西河斫樹人

江上憶嚴五廣休

征南幕下帶長刀  
夢筆深藏五色毫  
逢着澄江不敢詠  
鎮西留與謝功曹

夢令狐學士

山驛荒涼白竹扉  
殘燈向曉夢清暉  
右銀臺路雪三尺  
鳳詔裁成當直歸



和韋潘前輩七月十二日夜泊池州城下先  
寄上李使君

桂含爽氣三秋首  
冀吐中旬二葉新  
正是澄江如練處  
玄暉應喜見詩人

寄令狐郎中

嵩雲秦樹久離居  
雙鯉迢迢一紙書  
休問梁園舊賓客  
茂陵秋雨病相如

寄在朝鄭曹獨孤李四同年

昔歲陪遊舊跡多  
風光今日兩蹉跎  
不因醉本蘭亭在  
兼忘當年舊永和

寄憐韓同年時韓住蕭洞二首

簾外辛夷定已開  
開時不放艷陽迴  
年華若到經風雨  
便是胡僧話劫灰

龍山晴雪鳳樓霞  
洞裏迷人有幾家  
我爲傷春心自醉  
不勞君勸石榴花

韓冬郎卽席爲詩相送  
一座盡驚他口徐方  
追吟連宵侍坐徘徊  
久之句有老成之風  
因成二絕寄酬兼呈畏之員外

十歲裁詩走馬成  
冷灰殘燭動離情  
恁花萬里丹山路  
雛鳳清於老鳳聲

劍棧風檣各苦辛別時冬雪到時春爲憑何遜休

聯句瘦盡東陽姓沈人

自注沈東陽約嘗謂何遜曰吾每讀卿詩一日三復

終未能余雖無東陽之才而有東陽之瘦矣

寄成都高苗二從事

自注時二公從事商隱座主府

紅蓮幕下紫梨新命斷湘南病渴人今日問君能

寄否二江風水接天津

次陝州先寄源從事

離思羈愁日欲晡東周西雍此分塗迴鑾佛寺高  
多少望盡黃河一曲無

南山趙行軍新詩盛稱遊讌之冷因寄一絕

蓮幕遙臨黑水津  
橐鞬無事但尋春  
梁王司馬非孫武  
且免宮中斬美人

寄懷韋瞻

謝家離別正淒涼  
少傅臨岐賭佩囊  
却憶短亭迴首處  
夜來煙雨滿池塘

寄蜀客

君到臨邛問酒壚  
近來還有長卿無  
金徽却是無情物  
不許文君憶故夫

西南行却寄相送者

百里陰雲復雪泥  
行人只在雪雲西  
明朝驚破還

唐詩集  
鄉夢定是陳倉碧野雞

夜雨寄北

君問歸期未有期  
巴山夜雨漲秋池  
何當共剪西  
窗燭却話巴山夜雨時

寄永道士

共上雲山獨下遲  
陽臺白道細如絲  
君今併倚三  
珠樹不記人間葉落時

送王十三校書分司

多少分曹掌秘文  
洛陽花雪夢隨君  
定知何遜綠  
聯句每到城東憶范雲

送鄭大台文南覲

黎辟灘聲五月寒南風無處附平安君懷一疋胡  
威絹爭拭酬恩淚得乾

妓席暗記送同年獨孤雲之武昌

疊嶂千重叫恨猿長江萬里洗離魂武昌若有山  
頭石爲拂蒼苔檢淚痕

雨中長樂水館送趙十五滂不及

碧雲東去雨雲西苑路高高驛路低秋水綠蕪終  
盡分夫君太騁錦障泥

送阿龜歸華

草堂歸意背煙蘿黃綬垂腰不柰何因汝華陽求  
藥物碧松根下茯苓多

別智玄法師

雲鬢無端怨別離十年移易住山期東西南北皆  
垂淚却是楊朱真本師

別臻師二首

昔去靈山非拂

佛一作

席今來滄海欲求珠楞伽頂

上清涼地善眼仙人憶我無

苦海迷途去未因東方過此幾微塵何當百億蓮  
花上一一蓮花見佛身

送白道者

十二樓前再拜辭  
靈風正滿碧桃枝  
壺中若是有  
天地又向壺中傷別離

彭城公薨後贈杜二十七勝李十七藩二君  
並與愚同出故尚書安平公門下

梁山兗水約從公  
兩地差池一旦空  
謝墅庾村相  
弔後自今岐路更西東

故驛迎弔故桂府常侍有感

饑烏翻樹晚雞啼  
泣過秋原沒馬泥  
二紀征南恩  
與舊此時丹旆玉山西



過鄭廣文舊居

宋玉平生恨有餘，遠尋三楚弔三閭。可憐留着臨

江宅，異代應教庾信居。

隋宮故事，庾信避亂江陵居。宋玉故宅，其賦曰：「誅茅

宋玉之宅，穿徑臨江之府。

白雲夫舊居

平生悞識白雲夫，再到仙簷憶酒壚。牆柳萬株人

絕迹，夕陽唯照欲栖烏。

失題

舊本作寄成節高節二從事誤

家近紅葉曲水濱，全家羅襪起秋塵。莫將越客千

絲網，網得西施別贈人。

戊籤二李商隱之十

唐音統籤卷

五百七

七言絕句二

漫成三首

內二首  
五言

不妨何范盡詩家未解當年重物華遠把龍山千  
里雪將來擬並洛陽花

沈約憐何遜延年毀謝莊清新俱有得名譽底相  
傷

霧夕詠芙蓉何郎得意初此時誰最賞沈范兩尚  
書

漫成五章

沈宋裁辭矜變律王楊落筆得良朋當時自謂宗師妙今日唯觀對屬能

李杜操持事畧齊三才萬象共端倪集仙殿與金鑾殿可是蒼蠅惑曙雞

生兒古有孫征虜嫁女今無王右軍借問琴書終一世何如旗蓋仰三分

代北偏師銜使節關東裨將建行臺不妨常日饒輕薄且喜臨戎用草萊

郭令素心非贖武韓公本意在和戎兩都耆舊偏垂淚臨老中原見朔風

杜司勳

高樓風雨感斯文  
短翼差池不及羣  
刻意傷春復傷別人間  
惟有杜司勳

宮辭

君恩如水向東流  
得寵憂移失寵愁  
莫向樽前奏花落涼風  
只在殿西頭

公子

外戚封侯自有恩  
平明通籍九華門  
金唐公主年華小  
二十君王未許婚

舊將軍

月言綺錦  
雲臺高議正紛紛誰定當時蕩寇勲日暮灞陵原  
上獵李將軍是舊將軍

嫦娥

雲母屏風燭影深長河漸落曉星沉姮娥應悔偷  
靈藥碧海青天夜夜心

贈勾芒神

佳期不定春期賒春物天闕興咨嗟願得勾芒索  
青女不教容易損年華

瑤池

瑤池阿母綺窓開黃竹歌聲動地哀八駿日行三

萬里穆王何事不重來

華山題王母祠

蓮華峰下鑿雕梁此去瑤池地共長好爲麻姑到  
東海勸栽黃竹莫栽桑

華嶽下題西王母廟

神仙有分豈關情八馬虛追落日行莫恨名姬中  
夜沒君王獨自不長生

宮妓

珠箔輕明拂玉墀披香新殿鬪腰肢不須看盡魚

龍戲終遣君王怒偃師

楊文公談苑以此絕寓意  
深妙酷愛之宋人拊尚西

崑無別白

樂如此

吳宮

龍檻沉沉水殿清  
禁門深掩斷人聲  
吳王宴罷滿宮醉  
日暮水漂花出城

楚吟

山上離宮宮上樓  
樓前宮畔暮江流  
楚天長短黃昏雨  
宋玉無愁亦自愁

楚宮

十二峰前落照微  
高唐宮暗坐迷歸  
朝雲暮雨長相接  
猶是君王恨見稀

過楚宮

巫峽迢迢舊楚宮至今雲雨暗丹楓  
浮生盡戀人間樂只有襄王憶夢中

夢澤

夢澤悲風動白茅楚王墓盡滿城嬌  
未知歌舞能多少虛減宮厨爲細腰

岳陽樓

漢水方城帶百蠻四鄰誰道亂周班  
如何一夢高唐雨自此無心入武關

青陵臺



青陵臺畔日光斜萬古貞魂倚暮霞莫許韓憑爲  
蛺蝶等閒飛上別枝花

### 武夷山

只得流霞酒一盃空中簫鼓常時迴武夷洞裏生

毛竹老盡曾孫更不來

武夷山古記秦始皇二  
年八月十五日武夷君降會

呼鄉人爲曾孫毛竹洞  
去山百里纔生毛竹也

### 咸陽

咸陽宮闕鬱嵯峨六國樓臺艷綺羅自是當時天  
帝醉不關秦地有山河

### 題漢祖廟

乘運應須宅八荒  
男兒安在戀池隍  
君王自起新豐後  
項羽何曾在故鄉

四皓

本爲留侯慕赤松  
漢庭方識紫芝翁  
蕭何只解追韓信  
豈得虛當第一功

四皓廟

羽翼殊勲棄若遺  
皇天有運我無時  
廟前便接山門路  
不長青松長紫芝

賈生

宣室求賢訪逐臣  
賈生才調更無倫  
可憐夜半虛

前席不問蒼生問鬼神

漢宮詞

青雀西飛竟未迴君王長在集靈臺侍臣最有相  
如渴不賜金莖露一杯

漢宮

通靈夜醮達清晨承露盤晞甲帳春王母西歸方  
朔去更須重見李夫人

曼倩辭

十八年來墮世間瑤池歸夢碧桃閒如何漢殿穿  
針夜又向窓中覩阿環

樂遊原

萬樹鳴蟬隔斷虹，樂遊原上有西風。  
羲和自趁虞泉宿，不放斜陽更向東。

王昭君

毛延壽畫欲通神，恐爲黃金不爲人。  
馬上琵琶行萬里，漢宮長有隔生春。

過景陵

武皇精魄久仙昇，帳殿淒涼煙霧凝。  
俱是蒼生留不得，鼎湖何異魏西陵。

東阿王

國事分明屬灌均西陵竟斷斷來人君王不得爲  
天子半爲當時賦洛神

灌均陳王之典義  
諸王於文帝者

涉洛川

通谷陽林不見人我來遺恨古時春宓妃漫結無

窮恨不爲君王殺灌均

代魏宮私贈

自注黃初三年已隔存歿追代  
其意何必同時亦廣子夜鬼歌

之流變曹子建感甄事見李善洛神賦注  
甄后黃初二年賜死于建四年來朝置西  
館未見後朝畢還國渡洛水作賦賦  
云三年而此注亦因之賦字誤也

來時西館阻佳期去後漳河隔夢思知有宓妃無

限意春松秋菊可同時

用賦語榮曜秋菊華茂春  
松引迷樓記作春蘭者非

代元城吳令暗爲荅

背闕歸藩路欲分水邊風日半西曠荆王枕上元

無夢莫枉陽臺一片雲

宋姚寬云詳詩意魏之贈有情吳代荅無情豈以質

史稱其善處渠家兄弟間故托之爲子桓解嘲歎  
患謂甄贈恨阻隔不得同必妃意似姊之故是情  
語吳代荅實其非夢必妃有不必疑也者尤深於  
情之辭可第云無情哉必須爲子桓解嘲子桓當  
日亦自無贈枕事矣說得無稍迂乎高唐賦古本元是王夢神女非襄王夢故用之

梓潼望長卿山至巴西復懷譙秀

梓潼不見馬相如更欲南行問酒壚行到巴西覓  
譙秀巴西唯是有寒蕪

齊宮詞

永壽兵來夜不扃金蓮無復印中庭  
梁臺歌管三更罷猶自風搖九子鈴

北齊二首

一笑相傾國便亡何勞荆棘始堪傷  
小憐玉體橫陳夜已報周師入晉陽

巧笑知堪敵萬機傾城最在着戎衣  
晉陽已陷休迴顧更請君王獵一圍

讀任彥升碑

任昉當年有美名可憐才大最縱橫  
梁臺初建應惆悵不得蕭公作騎兵

南朝

地險悠悠天險長金陵王氣應瑤光休誇此地分  
天下只得徐妃半面粧

詠史

北湖南埭水漫漫一片降旗百尺竿三百年間同  
曉夢鍾山何處有龍盤

景陽井

景陽宮井剩堪悲不盡龍鸞誓歿期腸斷吳王宮  
外水濁泥猶得葬西施

隋宮

一云  
隋堤



乘輿南遊不戒嚴九重誰削諫書函春風舉國裁  
宮錦半作障泥半作帆

驪山有感

驪岫飛泉泛暖香九龍呵護玉蓮房  
生殿不從金輿唯壽王

過華清內廡門

華清別館閉黃昏碧草悠悠內廡門  
自是明時不巡幸至今青海有龍孫

華清宮

朝元閣迥羽衣新首按昭陽第一人  
當日不來高

處舞可能天下有胡塵

華清宮

華清恩幸古無倫，猶恐蛾眉不勝人。  
未免被他褻，女笑只教天子暫蒙塵。

舊頓

東人望幸久咨嗟，四海於今是一家。  
猶鎖平時舊，行殿盡無宮戶有宮鴉。

龍池

龍池賜酒敞雲屏，羯鼓聲高衆樂停。  
夜半宴歸宮

漏永薛王沈醉壽王醒

容齋續筆云唐岐薛諸王俱薨於開元中而太真以

月音系錄  
天寶三載方入宮此篇與元稹  
連昌詞百官隊仗避岐薛俱失

### 馬嵬

冀馬燕犀動地來自埋紅粉自成灰  
君王若道能傾國玉輦何由過馬嵬

### 渾河中

九廟無塵八馬廻奉天城壘長春苔  
咸陽原上英雄骨半向君家養馬來

### 李衛公

絳紗弟子音塵絕鸞鏡佳人舊會稀  
今日致身歌舞地木繇花暖鷓鴣飛

代董秀才却扇

莫將畫扇出帷來，  
遮掩春山滯上才。  
若道團圓是明月，  
此中須放桂花開。

閨情

紅露花房白蜜脾，  
黃蜂紫蝶兩參差。  
春窓一覺風流夢，  
却是同衾不得知。

月夜重寄宋華陽姊妹

偷桃竊藥事難兼，  
十二城中鎖彩蟾。  
應共三英同夜賞，  
玉樓仍是水精簾。

定子

一作杜牧詩

檀槽一抹廣陵春  
定子初開睡臉新  
却笑喫虧隋  
煬帝破家亡國爲何人

贈歌妓二首

水精如意玉連環  
下蔡城危莫破顏  
紅綻櫻桃含  
白雪斷腸聲裏唱陽關

白日相思不奈何  
嚴城清夜斷經過  
只知解道春  
來瘦不道春來獨自多

飲席代官妓贈兩從事

新人橋上着春衫  
舊主江邊側帽簷  
願得化爲紅  
綬帶許教雙鳳一時銜

代贈二首

樓上黃昏欲望休，玉梯橫絕月如鉤。  
芭蕉不展丁香結，同向春風各自愁。

東南日出照高樓，樓上離人唱石州。  
總把春山掃眉黛，不知供得幾多愁。

代應二首

溝水分流西復東，九秋霜月五更風。  
離鸞別鳳今何在，十二玉樓空更空。

本來銀漢是紅牆，隔得盧家白玉堂。  
誰與王昌報消息，盡知三十六鴛鴦。

板橋曉別

迴望高城落曉河  
長亭窓戶壓微波  
水仙欲上鯉魚去  
一夜芙蓉紅淚多

寄遠

姮娥搗藥無時已  
玉女投壺未肯休  
何日桑田俱變了  
不教伊水更東流

春日

欲入盧家白玉堂  
新春催破舞衣裳  
蝶銜花藥蜂銜粉  
共助青樓一日忙

城外

露寒風定不無情  
臨水當山又隔城  
未必明時勝  
蜚蛤一生長共月虧盈

櫻桃花下

流鶯舞蝶兩相欺  
不取花芳正結時  
他日未開今日謝  
嘉辰長短是參差

東南

東南一望日中烏  
欲逐羲和去得無  
且向秦樓棠樹下  
每朝先覓照羅敷

海客

海客乘槎上紫氛  
星娥罷織一相聞  
只應不憚牽



牛姬聊用支機石贈君

相思

相思樹上合歡枝  
紫鳳青鸞並羽儀  
腸斷秦臺吹管客  
日西春盡到來遲

殘花

殘花啼露莫留春  
尖髻一作髮誰非怨別人  
若但掩

關勞獨夢寶一作插釵何日不生塵

爲有

爲有雲屏無限嬌  
鳳城寒盡怕春宵  
無端嫁得金龜婿  
辜負香衾事早朝

丹丘

青女丁寧結夜霜  
羲和辛苦送朝陽  
丹丘萬里無消息  
幾對梧桐憶鳳凰

莫愁

雪中梅下與誰期  
梅雪相兼一萬枝  
若是石城無艇子  
莫愁還自有愁時

有感

非關宋玉有微辭  
却是襄王夢覺遲  
一自高唐賦成後  
楚天雲雨盡堪疑

偶題二首

小亭閒眠微醉消山榴海栢枝相交水文簾上瑤  
珀枕傍有墮釵雙翠翹

清月依微香露輕曲房小院多逢迎春叢定是雙  
栖夜飲罷莫持紅燭行

無題二首

長眉畫了繡簾開碧玉行收白玉臺爲問翠釵釵  
上鳳不知香頸爲誰迴

壽陽公主嫁時粧八字宮眉捧額黃見我佯羞頻  
照影不知身屬冶遊郎

無題

聞道閨門萼綠華昔年相望抵天涯豈知一夜秦  
樓客偷看吳王苑內花

無題

紫府仙人號寶燈雲漿未飲結成冰如何雪月交  
光夜更在瑤臺十二層

無題

白道縈廻入暮霞斑駁嘶斷七香車  
鳳自共何人笑枉破陽城十萬家

霜月

初聞征鴈已無蟬百尺樓南水接天  
青女素娥俱

耐冷月中霜裏鬪嬋娟

月

過水穿樓觸處明  
藏人帶樹遠含清  
初生欲缺虛惆悵  
未必圓時卽有情

亂石

虎踞龍蹲縱復橫  
星光漸減雨痕生  
不須併礙東西路  
哭殺厨頭阮步兵

屏風

六曲連環接翠帷  
高樓半夜酒醒時  
掩燈遮霧密如此  
雨落月明俱不知

破鏡

似悼  
亡詩

玉匣清光不復持  
菱花散亂月輪虧  
秦臺一照山雞後  
便是孤鸞罷舞時

蜀桐

玉壘高桐拂玉繩  
上含非霧下含冰  
枉教紫鳳無棲處  
斲作秋琴彈壞陵

柳

爲有橋邊拂面香  
何曾自敢占流光  
後庭玉樹承恩澤  
不信年華有斷腸

柳

曾逐東風拂舞筵，樂遊春苑斷腸天。如何肯到清  
秋日已帶斜陽，又帶蟬。廬陵陳模云：言不甘  
淒涼，所以望秋先零。

柳

柳映江潭底，有情望中頻。遣客心驚巴，雷隱隱。千  
山外更作章臺走馬聲。

關門柳

永定河邊一行柳，依依長發。故年春東來西去人，  
情薄不爲清陰減路塵。

離亭賦得折楊柳二首

暫憑樽酒送無憀，莫損愁眉與細腰。人世死前唯

有別春風爭擬惜長條

含煙惹霧每依依萬緒千條拂落暉爲報行人休  
盡折半留相送半迎歸

石榴

榴枝婀娜榴實繁榴膜輕明榴子鮮可羨瑤池碧  
桃樹碧桃紅頰一千年

木蘭花

古今詩話義山遊長安宿旅店客賦  
木蘭花詩衆皆誇示義山後成客盡

驚問之始知是義

山一云陸龜蒙謔

洞庭波冷曉侵雲日日征帆送遠人幾度木蘭舟  
上望不知元是此花身



槿花

風露淒淒秋景繁可憐榮落在朝昏未央宮裏三千女但保紅顏莫保恩

風

似寄內人詩

萬里峰巒歸路迷未判容彩借山雞新春定有將雛樂阿閣華池兩處棲

題鷺

眠沙臥水自成羣曲岸殘陽極浦雲那解一作將暇心憐孔雀羈雌長其故雄分

賦得雞

稻梁猶足活諸雛  
妬敵專場好自娛  
可要五更驚  
穩夢不辭風雪爲陽鳥

鴛鴦

雌去雄飛萬里天  
雲羅滿眼泪潸然  
不須長結風  
波願鎖向金籠始兩全

失猿

祝融南去萬重雲  
清嘯無因更一聞  
莫遣碧江通  
箭道不教腸斷憶同羣

句

蘭膏蕤處心猶淺  
銀燭燒殘焰不馨  
好向書生窓

畔種免教辛苦更囊螢

金燈花  
事文類聚

遙想故園陌

桃李正酣酣

以下見海  
錄碎事

頭上金雀釵腰佩翠琅

玕 蘆洲客鴈報春來

戊籤三

唐音統籤卷

五百七十三

段成式字柯古宰相文昌子以蔭爲校書郎研精苦學秘閣書籍披閱皆遍歷尚書以太常少卿連典九江縉雲廬陵三郡坐累退居襄陽以書史自

娛尤深佛書集七卷

唐志無宋志有

今編二卷

南楚新聞云成式博

聞強記每披閱文字雖千萬言一覽容無遺漏

玉堂閑話云成式少好馳獵文昌以爲患令幕客

言之唯唯遜謝翊日復出獵諸客各送兔一雙書

中徵引典故無一事重疊者諸客齊詣文昌以書

示之始知其子藝文該瞻成式所撰有西陽雜

俎三十卷多記奇聞僻事今存又撰漢上題諱集

三卷從事襄陽徐商幕府時與溫庭筠崔岐余知

古事周繇等唱和詩什及往來簡牘也今多逸

成式嘗云故相牛公在揚州日續秀才蕭希述

詩吟吟醉裡破峽蝶夢中殘每坐吟之予因請坐

客亦各吟近日爲詩者佳句有吟賈島舊國別多  
日故人無少年馬戴猿啼刺庭樹人在木蘭舟又  
骨鏘金鏤在有吟僧無可河來當塞斷山遠與沙  
平又開門落葉深有吟張祐河流側濶關又泉聲  
到池盡有吟僧靈準睛看漢水廣秋覺峴山高朱  
景玄塞鴻先秋去邊草入夏生予吟上都僧元礎  
寺隔殘潮去又採藥過泉聲又林塘秋半宿風雨  
夜深來予識蜀中客龐季子每云寒雲生易滿秋  
草長難高又云一女予坐客以遊送聯句爲煩  
乃命工取細班竹以白金錯首如茶袂次通聯名  
之予在城時常與客聯句初無虛日小酌求押或  
窮韻相角或押惡韻或煎茗一盃爲八韻詩謂之  
雜聯若志于不朽則汰揀穩韻無所得輒已謂之  
苦聯聯時共押平聲好韻不解者出於竹簡謂之  
韻牒出城悉携行至客句換韻  
牒之語必爲好事者所傳矣

觀山燈獻徐尚書三首

并序

尚書東莞公鎮襄之三年四維具舉而何歲穀  
熟及上元日百姓請事山燈以報穰祈祉也時

從事及上客從公登城南樓觀之初爍空歎咎  
漫若朝炬怒驚狂燒卷風撲綠一峰如塵烘沛  
色如波殘鯨鬣如霞駁如珊瑚露如丹蛇蛟離  
如朱草蕨藜藜如芝之曲如蓮之擎布字而疾抵  
電書寫塔而筆同歷構亦天下一絕也成武辭  
多啖累學未該悉策山燈事唯記陳後主宴光  
壁殿遙詠山燈詩云雜柱還如月  
依柳更疑星輒成三首以紀壯觀

風抄影凌亂露輕光陸離如霞散仙掌似燒上娥  
眉道樹千花發扶桑九日移因山成聚像不復藉  
蟠螭

涌出多寶塔往來飛錫僧分明三五月傳照百千

燈馴狎移高灶

一作柱

慶雲遮半層夜深寒焰白猶

自綴金繩

磊落風初定，輕明雲乍妨。踈中搖月彩，繁處雜星芒。  
火樹枝柯密，燭龍鱗甲長。窮愁讀書者，應得假餘光。

和周爲憲廣陽公宴見嘲詩

并序

近者初開金埒，大散紅筵。騎歷塊而風生，鼓摻  
櫓而雷發。成式未曾盤馬，徒效執鞭。喜過君子  
之營，徒接將軍之地。以款段辭退，因得坐觀。是  
時滿目鉛黃，遍鼻蘭麝。晚薪餘論，恨織素而不  
憐。斜柯新知，歎因針而難假。  
公妾換名馬，賦關長門。莫逆賞心，形於善譁。爲  
憲老舅吟，飄白雪。思効碧雲六韻，傳觀不得。落  
地鏗如珮玉，粲若列星。儼眼詎貴於千金，貸心  
只勞於一句。輒鳴瓦釜，方應金鏡。初輔宜哈足代諧笑詩云。

才并魚目並，藝怯馬蹄間。王謝初飛蓋，姬姜盡下

山縛雞難角逐射雉豈開顏  
亂翠移林色狂紅照  
座殷防梭齒雖在乞帽  
鬢慙斑儻恕相如瘦  
應容  
累騎還

河出榮光

符命自陶唐吾君應會昌  
千年清德水九折滿榮  
光極岸浮佳氣微波照夕陽  
澄輝明月闕散彩入  
龍堂近帶關雲紫遙連日道  
黃馮夷矜海若漢武  
貴宣房漸沒孤槎影仍呈一  
葦航撫躬悲未濟作  
頌喜時康

和徐相公賀襄陽徐副使加章綬



雲雨軒懸鶯語新一篇佳句占陽春銀黃年少偏  
欺酒金紫風流不讓人連壁座中斜日滿貫珠歌  
裏落花頰莫辭倒載吟歸去看欲東山又吐茵

哭李羣玉

群玉題詩黃陵廟因恍惚見二妃  
與訂二年之約成式潛戲之爲虞

舜辟陽侯後  
果二年卒

曾話黃陵事今爲白日催老無兒女累誰哭到泉  
臺

漢宮詞二首

歌舞初承恩寵時六宮學妾畫娥眉君王厭世妾  
頭白聞唱歌聲却淚垂

二八能歌得進名人言  
選入便光榮豈知妃后多  
嬌妬不許君前唱一聲

折楊柳七首

一二四首一作王貞白

枝枝交影鎖長門  
嫩色曾沾雨露恩  
鳳輦不來春欲盡  
空留鶯語到黃昏

水殿年年占早芳  
柔條偏惹御爐香  
而今萬乘多巡狩  
輦路無陰綠草長

玉樓煙薄不勝芳  
金屋寒輕翠帶長  
公子驂騮往何處  
綠陰堪繫紫遊韁

嫩葉初齊不耐寒  
風和時拂玉欄干  
君王去日曾

攀折泣雨傷春翠黛殘

微黃纔綻未成陰繡戶珠簾相映深  
長恨早梅無賴極先將春色出前林

隋家堤上已成塵漢將管邊不復春  
只向江南并塞北酒旗相伴惹行人

陌上河邊千萬枝怕寒愁雨盡低垂  
黃金毳短人多折已恨東風不展眉

醉中吟

只愛糟牀滴滴聲長愁聲絕又醒醒  
人間榮辱不常定唯有南山依舊青

題商山廟

偶出雲泉謁禮闈，篇章曾沐漢皇知。  
無謀靜國東歸去，羞過商山四老祠。

題谷隱蘭若三首

風惹閒雲半谷陰，巖西隱者醉相尋。  
草衰乍覺徑增險，葉盡却疑溪不深。

鳥啄靈鷲戀，落暉村情山趣頓。  
忘機丹成道士過，門敷葉盡寒猿下嶺稀。

風帶巢熊拘樹聲，老僧相引入雲行。  
半坡新路畚纔了一谷寒，煙燒不成。

題石泉蘭若

蘼竹爲籬松作門  
石楠陰底藉芳蓀  
方袍近日少平叔  
注得逍遙無處論

題僧壁和韋蟾

有僧支頰燃眉毫  
起就夕陽磨剃刀  
到此旣知閒最樂  
俗心何啻九牛毛

戲高侍御七首

百媚城中一個人  
紫羅垂手見精神  
青琴仙子長教示  
自小來來號阿真

七尺髮猶三角梳  
玳牛獨駕長檐車  
曾城自有三

青鳥不要蓮東雙鯉魚

花恨紅腰柳妬眉東鄰牆短不曾窺猶憐最小分  
瓜日柰許迎春得藕時

自等腰身尺六彊兩重危髻盡儘同釵長欲董羅薦  
嫌龍腦須爲尋求石葉香

別起青樓作幾層斜陽慢卷鹿盧繩厭裁魚子深  
紅纈泥覓蜻蜒淺碧綾

詐嫌嚼貝磨衣鈍私帶男錢壓鬢低不獨邯鄲新  
嫁女四枝鬟上挿通犀

可羨羅敷自有夫愁中漫捋白髭鬚豹錢驄子能

擎舉兼著連乾許換無

不赴光風亭夜飲贈周爲憲

屏開屈膝見吳娃  
蠻蠟同心四照花  
姹女不愁難  
管領斬新鉛裏得黃牙

襄陽中堂賞花爲憲與妓人戲語嘲之

鶯裏花前選孟光  
東山逋客酒初狂  
素娥畢竟難  
防備燒得河車莫遣嘗

寄溫飛卿牋紙

予在九江造雲藍紙既乏左伯之法全無張永之功輒送

五十板

三十六鱗克使時數番  
猶得裏相思待將袍襖重

抄了盡寫襄陽播措

一作詞  
擷拓

嘲飛卿七首

曾見當壚一個人  
入時裝束好腰身  
少年花帶多  
芳思只向詩中寫取真

醉袂幾侵魚子纈  
飄纓長冒鳳凰釵  
知君欲作閒

情賦應願將身作錦鞵

飛卿有  
錦鞋賦

翠蝶密偎金叉首  
青蟲危泊玉釵梁  
愁生半額不  
開靨只爲多情團扇郎

柳煙梅雪隱青樓  
殘日黃鸝語未休  
見說自能裁  
袖腹不知誰更著幘頭



月二系重  
愁機懶織同心苒悶繡先描連理枝多少風流詞  
句裏愁中空詠早環詩

燕支山色重能輕南陽水澤鬪分明不煩射雉先  
張翳自有琴中威鳳聲

半歲愁中鏡似荷牽環撩髻却須磨花前不復抱  
瓶渴月底還應琢刺歌

桑卿解籍戲呈飛卿二首

長檐犢車初入門金牙新醞盈深樽良人爲漬木  
瓜粉遮却紅腮交午痕

最宜全幅碧絞綃自縠春羅等舞腰未有長錢求

鄴錦且令裁取一團嬌

錦名

出意挑鬟一尺長  
金爲鈿鳥簇  
似梁鬱金種  
得花茸細添入春衫領裏香

呈輪上人

虎到前頭心不驚  
殘陽擇蝨懶逢迎  
東林水石未勝此  
要假遠公方有名

送穆郎中赴闕

應念愁中恨  
索居驪歌聲裏且  
踟躕若逢金馬門  
前客爲說虞卿久著書

送僧二首

形神不滅論初成愛馬乘閒入帝京四十三年虛  
過了方知僧裏有唐生

想到頭陀最上方桂陰猶認惠宗房因行戀燒歸  
來晚窻下猶殘一字香

又哭李羣玉

酒裏詩中三十年縱橫唐突世喧喧明時不作禰  
衡死傲盡公卿歸九泉

哭房處士

獨上黃壇幾度盟印開龍渥喜丹成豈同叔夜終  
無分空向人閒著養生

觀棊

一作溫  
庭筠

閒對奕楸傾一壺黃羊枰上幾成都他時謁帝銅  
池曉便賭宣城太守無

荅周爲憲看牡丹

爲憲以成式前看懷酒行  
逡巡又是一年別寄語集

仙呼索郎之句  
故荅之云云

大白東西飛正狂新筍石凍雜梅香詩中反語常  
迴避尤惟花前喚索郎

牛尊師宅看牡丹

洞裏仙春日更長翠叢風剪紫霞芳若爲蕭史通  
家客情願扛壺入醉鄉

桃源僧舍看花

前年帝里探春時  
寺寺名花我盡知  
今日長安已  
灰燼忍能南國對芳枝

與周爲憲求人參

少賦令才猶強作  
衆醫多識不能呼  
九莖仙草真  
難得五葉靈根許  
惠無

猿

却憶書齋值晚晴  
挽枝閒嘯激蟬清  
影沉巴峽夜  
巖色蹤絕石塘寒  
瀨聲

句

高談敬風鑒古貌怯冰稜

以下見海錄碎事

虱暴妨歸

夢蟲喧徹曙更

夢裏思甘露言中惜惠燈

新

破毗曇義相期卜夜論

夢得句云云因續成十韻

隨樵却猿

藏隈石覩熊緣

隱山書事襄陽志

梓胡雲彩落痕面

月痕消

又

擲履仙兒起捲衣蝴蝶颯中含薄怒

顰裡帶餘嬌醒後猶攘臂歸時更新  
狂犬自纓

絕眉勢倩人描

光風亭夜宴妓有  
日若狀此便可以  
疾高對梓胡成  
有温飛卿

式乃爲詩云  
云紀事

不願石郎戴笠難甘玉女披衣

苦雨

地志云萍鄉西津玉女崗天將雨  
必有雲氣土人稱爲玉女披衣

卷終